



A: Bosna i Hercegovina
Federacija Bosne i Hercegovine
Ženičko-dobojski kanton
OPĆINA TEŠANJ
Trg Alije Izetbegovića 11, 74260 Tešanj

**INFORMACIJA
O ORGANIZOVANOSTI I PROVOĐENJU ZAŠTITE OD POŽARA
NA PODRUČJU OPĆINE TEŠANJ U 2011. GODINI**

Tešanj, april 2012. godine

I - UVOD

Zaštita od požara na području općine Tešanj je organizovana kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10) i Zakona o zaštiti od požara ZE-DO kantona (Sl. novine ZE-DO kantona broj: 5/11).

II - ORGANIZACIJA VATROGASTVA NA PODRUČJU OPĆINE TEŠANJ

Na području općine Tešanj Odjeljenje zaštite od požara i vatrogastva - profesionalna vatrogasna jedinica Tešanj, vrši sljedeće operativne i druge poslove:

- Gasi požar i spašava ljude i materijalna dobra ugrožena požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje god se požar pojavi,
- Pruža tehničku pomoć u spašavanju ljudi u nezgodama izazvanim u saobraćaju (cestovni, jezerski i riječni), poplavama, spašavanju sa visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara,
- Učestvuju u provođenju određenih preventivnih mjera zaštite od požara općine, a koje mogu provoditi profesionalne vatrogasne jedinice,
- Pruža odgovarajuću pomoć u spašavanju ljudi i materijalnih dobara kod postojanja stanja prirodne i druge nesreće.

PVJ Tešanj prema sistematizaciji treba da broji ukupno 18 ljudi a trenutno ovo odjeljenje je popunjeno sa 12 uposlenika, od toga 5 Starješina grupe, 4 vatrogasca, 2 vatrogasca servisera i Starješina jedinice.

Pregled formacije PVJ Tešanj

Tabela: 1

Red. Br.	IME I PREZIME	Funkcija	Godište	Godine staža	Godine starosti	Primjedba
1.	ĆEMAN HASAN	Starješina jedinice	1979.	5	33	Obavlja dužnost Starješine kao dodatni posao
2.	SUBAŠIĆ SABAHUDIN	Starješina grupe	1979.	12	33	
3.	HALILOVIĆ MUJO	Vatrogasac vozač	1973.	14	39	
4.	HALILOVIĆ SENAD	Vatrogasac vozač	1972.	4	40	
5.	BRKIĆ NEDŽAD	Vatrogasac vozač	1969.	18	43	Problem kod pozivanja na intervencije jer imenovani živi u Doboju
6.	KADIĆ SAMIR	Starješina grupe	1969.	18	43	
7.	ŠKAPUR ARMIN	Vatrogasac	1968.	17	44	
8.	MEŠINOVIĆ REZAK	Vatrogasac-servisier	1965.	26	47	
9.	JAHIĆ HUSO	Starješina grupe	1960.	26	52	
10.	DERVIĆ RASIM	Vatrogasac-servisier	1956.	27	56	Radi kao vatrogasac u smjenama zbog nedostatka ljudstva
11.	KAMIŠEVIĆ BESIM	Starješina grupe	1953.	31	59	Trenutno na dužem bolovanju
12.	HUJDUR MUHAREM	Starješina grupe	1952	35	60	Pred odlazak u penziju

Kao što se vidi iz tabelarnog pregleda prosječna starost u ovoj jedinici je 45,75 godina starosti. Do 30 godina starosti nema niti jednog zaposlenika, od 30-40 godina 3 zaposlenika, od 40-50 godina 5 zaposlenika i od 50-60 godina 4 zaposlenika. Osim godina starosti i narušenog zdravstvenog stanja koje imaju gore nabrojani vatrogasci treba napomenuti da određen broj starijih vatrogasaca nema potrebnu fizičku kondiciju, ne posjeduju sposobnosti za spašavanje sa visina, ne posjeduju sposobnost za evakuaciju povrijeđenih i za intervencije koje zahtijevaju teški fizički napor i gašenje požara na visokim objektima.

1. OPERATIVNO DJELOVANJE VATROGASACA

Profesionalna vatrogasna jedinica Tešanj u 2011. godini realizovala je svoje redovne obaveze na području općine Tešanj na površini od 163 km², i po osnovu Ugovora na području dvije općine i to; Doboj Jug, 10,5 km² i Usora 48,8 km², sveukupno na području od 222,30 km².

Profesionalna vatrogasna jedinica Tešanj, po Ugovoru, vrši poslove zaštite od požara na području općina Usore i Doboj-juga.

Rad u PVJ Tešanj se odvija u smjenama po 12 sati uz stalno dežurstvo u vatrogasnoj službi 24 sata dnevno sa po 2 vatrogasca.

Posebnu pažnju u svom radu Profesionalna vatrogasna jedinica Tešanj, usmjerava na protivpožarnu preventivu i operativno djelovanje u privrednim subjektima, institucijama, ustanovama, pravnim i fizičkim licima, u ove tri općine.

PVJ Tešanj u 2011. godini je imala 95 intervencija, servisirano je 7212 vatrogasnih aparata, u 42 pravna i fizička lica obavljene su obuke uposlenika, sa ukupno 1.006 zaposlenika.

PVJ Tešanj još, radi usluge prijevoza i prodaje vode za stanovništvo, usluge rada kamiona ljestava za druga lica (usluge rada na visini), pranje općinskih i drugih vozila,

Na osnovu svega navedenog i požarnog opterećenja naše i susjedne dvije općine ova jedinica treba da broji minimalno 18 vatrogasaca i starješina jedinice; 4 smjene po 4 vatrogasca= 16; dva vatrogasca servisera i starješina jedinice.

2. OPREMLJENOST VATROGASNE JEDINICE

Vozila sredstva i oprema PVJ Tešanj

Tabela: 2

Red. Br.	Marka i tip vozila	Namjena vozila	Godina proizvodnje	Sadržaj vozila			Starost Vozila (godine)
				Voda	Prah	Pjena	
1.	MAN 520	Auto ljestve	1962				50
2.	MERCEDES 2400	Navalno	1972	2500			40
3.	MERCEDES 1600	Tehničko	1973	1600			39
4.	TAM-5000	Cisterna	1976	5000			36
5.	FAP-1616	Kombinovano	1981	4500	1000	500	31
6.	MERCEDES 5000	Navalno	1984	5000		500	28
7.	WV PASAT	Komandno	1991				21
8.	FIAT DUCATO	Kombi	1995				17
9.	BAGER	Radno	2003.				9
10.	ŠKODA ROOMSTER	Putničko	2010				2

Iz gore navedenog pregleda se može zaključiti sljedeće:

Vozila koja se koriste za gašenje požara od stavke 1-6, prosjek starosti iznosi 37 godina.

Vozilo sa stavke 1. auto ljestve zbog svoje starosti ne ispunjavaju svoju osnovnu namjenu, spašavanje unesrećenih sa visine.

Vozila sa stavke 7. je vozilo koje je dotrajalo i pitanje je vremena kada će stati.

Ono što nedostaje od vatrogasnih vozila je vatrogasno malo navalno vozilo(za ulazak u uske ulice i sl), vatrogasno šumsko/terensko vozilo, vatrogasna cisterna prateće vozilo za snabdijevanje vodom na požaru, i određena zamjena postojećih vozila.

Sva ova vozila su tehnički ispravna i registrovana i redovno se održavaju ali potrebno je u prosjeku od 0,5 – 1,0 min. da se ona aktiviraju iz pasivnog u aktivno stanje (dok motor ne postigne odgovarajući radni pritisak zraka). Zbog starosti, zamora materijala, ona gube svoju osnovnu funkciju i time stvaraju probleme prilikom intervencije, prilikom kretanja brzina se mora uskladiti prema vozilu a ne prema potrebi.

Kod servisiranja ovih vozila postoji problem izbjegavanja rada i popravki od strane automehaničara zbog starosti i evidentan je problem nedostatka rezervnih dijelova za iste.

Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.

Napomena: u 2011. godini za potrebe PVJ nije nabavljeno ništa od opreme iz razloga što se sredstva akumuliraju za 2012. godinu kako bi kupili planirano novo vatrogasno vozilo.

3. ANGAŽOVANJE SPECIJALIZOVANE JEDINICE ZAŠTITE OD POŽARA

Općina tešanj 2010. godine formirala je specijalizovanu jedinicu zaštite od požara.

Ova jedinica trenutno broji 25 pripadnika, svi imaju položen ispit za vatrogasca.

Specijalizovane jedinice namijenjene su za izvršavanje složenijih i istovrsnih zadataka zaštite i spašavanja, čiji pripadnici moraju imati odgovarajuće stručno znanje i koristiti odgovarajuća sredstva i opremu.

Specijalizovana jedinica je osnovana da obavlja sljedeće poslove:

- vrši aktivnosti na lokalizovanju i gašenju požara prema potrebama, kada Profesionalna vatrogasna jedinica Tešanj, nije u mogućnosti da ljudskim resursima adekvatno provodi mjere zaštite od požara;
- spašava ljude i materijalna dobra koja su ugrožena požarom;
- snabdjeva stanovništvo pitkom vodom;
- učestvuje u zaštiti od poplava (ispumpavanje vode iz poplavljenih prostorija, objekata, rezervoara, bunara i dr.);
- učestvuje u dekontaminaciji objekata i zemljišta;
- spašava ugrožene građane iz oštećenih objekata ili sa viših spratova;
- vrši i druge aktivnosti u zaštiti i spašavanju za koje je osposobljena

Služba civilne zaštite Općine Tešanj, u čijem sastavu je i Profesionalna vatrogasna jedinica Tešanj, u 2011. godini u tri navrata (13.09. , 30. 09. , i 19.10.) angažovala je nekoliko pripadnika specijalizovane jedinice zaštite od požara,

Angažovani su sljedeći pripadnici:

Tabela: 3

Red. Br.	Ime i prezime	zaposlen	nezaposlen	samozaposlen	Požar 13.09.2011.	Požar 30.09.2011	Požar 19.10.2011.	Ukupno sati
1.	Halilović Emir	X			15 ⁰⁰ -19 ⁰⁰ (4,00h)	15 ³⁰ -19 ⁰⁰ (3,30 h)	15 ³⁰ -19 ⁰⁰ (3,30 h)	11,00 h
2.	Čehić Zlatko	X			15 ⁰⁰ -19 ⁰⁰ (4,00 h)	15 ³⁰ -19 ⁰⁰ (3,30 h)	15 ³⁰ -19 ⁰⁰ (3,30 h)	11,00 h
3.	Salibašić Mirsad	X			15 ⁰⁰ -19 ⁰⁰ (4,00 h)	15 ³⁰ -19 ⁰⁰ (3,30 h)	15 ³⁰ -19 ⁰⁰ (3,30 h)	11,00 h
4.	Galijašević Meho		X		15 ⁰⁰ -19 ⁰⁰ (4,00 h)	15 ³⁰ -19 ⁰⁰ (3,30 h)		7,30 h
5.	Kamišević Metuzalem		X			15 ³⁰ -19 ⁰⁰ (3,30 h)		3,30 h
6.	Grebić Emir	X			15 ⁰⁰ -19 ⁰⁰ (4,00h)			4,00 h
7.	Maličević Senad		X			15 ³⁰ -19 ⁰⁰ (3,30 h)		3,30 h
8.	Bećarević Advan	X				15 ³⁰ -19 ⁰⁰ (3,45 h)		3,45 h

9.	Galijašević Edin		X		15 ⁵⁵ -19 ⁰⁰ (3,05 h)	15 ¹⁵ -19 ⁰⁰ (3,45 h)	15 ²⁵ -19 ⁰⁰ (3,35 h)	11,25 h
10.	Tumbić Alen	X			15⁵⁵-19⁰⁰ (3,05 h)	15 ¹⁵ -19 ⁰⁰ (3,45 h)	15 ²⁵ -19 ⁰⁰ (3,35 h)	11,25 h
11.	Josip Erceg		X		15⁵⁵-19⁰⁰ (3,05 h)	15 ¹⁵ -19 ⁰⁰ (3,45 h)		6,50 h
12.	Subašić Fahrudin	X			15 ⁵⁵ -19 ⁰⁰ (3,05 h)	15 ¹⁵ -19 ⁰⁰ (3,45 h)		6,50 h
13.	Beširević Smajl		X		15⁵⁵-19⁰⁰ (3,05 h)			3,05 h
14.	Subašić Iso	X				15 ¹⁵ -19 ⁰⁰ (3,45 h)		3,45 h
15.	Zeničanin Suljo			X			15 ²⁵ -19 ⁰⁰ (3,35 h)	3,35 h
16.	Hujdur Anes	X			15⁵⁵-19⁰⁰ (3,05 h)	15 ¹⁵ -19 ⁰⁰ (3,45 h)		6,50 h
UKUPNO: 108,30 sati								


4. STANJE ZAŠTITE OD POŽARA

Tabelarni pregled intervencija gašenja požara u periodu 2007. - 2011. godina

Tabela: 4

Vrste požara	2007.	2008.	2009.	2010.	2011.
KUĆA	14	20	17	11	15
SAOBRAĆAJNI UDESI- POŽARI	6	14	8	6	
POMOĆNE ZGRADE	9	8	8	2	5
ŠUMA I NISKO RASTINJE	31	21	7	5	62
POSLOVNI OBJEKTI	4	3	8	4	7
KONTEJNERI	3	2	3	3	
GUME I OTPAD	4	3	2	1	2
SIJENO	9	3	5	1	
PLINSKA BOCA	1	3		1	
OSTALO		1	7	12	4
UKUPNO	80	78	65	46	95

Tabela: 5



Napomena: pod stavkom OSTALO, podvedeno je sljedeće: intervencije na poplavama, požari trafo stanica, vađenje unesrećenih, požari na javnim rasvjetnim stubovima i sl.

Može se zaključiti iz prikazanog da je stavka „šuma i nisko rastinje“ u drastičnom porastu iz razloga velikog broja požara na otvorenom prostoru, gdje je uzročnik uglavnom ljudski faktor.

5. HIDRANTSKA MREŽA

P rema pregledu i kontroli hidrantske mreže za područje općine Tešanj, prikazujemo stanje hidrantske mreže za 2011. godinu:

Tabela: 6

TEŠANJ		JELAH		VUKOVO		ČIFLUK		POTOČANI	CEROVAC
Ispravno	Neispravno	Ispravno	Neispravno	Ispravno	Neispravno	Ispravno	Neispravno	Ispravno	Neispravno
17	5	11	8	3	2	1	2	2	1
Ukupno: 22		19		5		3		2	1
Ispravnih: 34									
Neispravnih: 18									
Ukupno svega: 52									

Od ukupnog broja neispravnih hidranata, 5 hidranata je ukinuto ili zatrpáno, a na terenu je ovaj broj još veći. Jedan broj hidranata je zatrpán naknadnim izvođenjem radova na asfaltiranju putnih komunikacija i drugim zemljanim radovima, jedan dio potpuno izvađen ili „blokiran“, a jedan dio je dotrajale instalacije i neispravan.

Treba napomenuti da obilazeći teren u redovnim poslovima smo uočili da ima hidranata na terenu koji nisu upisani i evidentirani.

Unutrašnja hidrantska mreža u preduzećima i javnim ustanovama nije na zadovoljavajućem nivou, u većini slučajeva u hidrantskim ormarićima nedostaje oprema ili su hidranti neispravni, a nažalost ima slučajeva gdje ih nema nikako u objektima gdje bi morali biti. Imamo područja koja su gusto naseljena a koja nemaju nikako hidrantske mreže ili je ona na nezadovoljavajućem nivou.

Dobar dio hidranata na području općine Tešanj nije propisno označen i svi hidranti su podzemni.

6. APARATI ZA POČETNO GAŠENJE POŽARA

PVJ Tešanj u 2011. godini servisirala je 7212 vatrogasnih aparata različitih vrsta i tipova.

Stanje aparata za početno gašenje požara u određenom broju privatnih preduzeća, javnih ustanova i dr. nisu na zadovoljavajućem nivou, uglavnom je to manji broj aparata u odnosu na površinu objekta i požarno opterećenje objekta, u nekim preduzećima nisu pravilno raspoređeni ili je teško doći do njih (nepravilno razmješteni).

7. SNABDIJEVANJE VODOM STANOVNIŠTVA

Nakon nastanka sušnog perioda u mjesecu avgustu zbog nedostatka pitke vode Služba civilne zaštite Odjeljenje zaštite od požara i vatrogastva-Profesionalna vatrogasna jedinica je zadužena za snabdijevanje pitkom vodom stanovništva mjesnih zajednica Trepče, Dobro polje-Mekiš, povremeno dijela MZ Tešanj (Hrvatinići), povremeno područnih škola u Trepču i Oraš-planjama i nakanadno MZ Medakovo (od 02.12.2011.godine.) Ova jedinica je aktivnost počela 20.08.2011. godine i prema utvrđenom planu vozila se redovno voda za gore nabrojane mjesne zajednice svaki dan a kasnije svaki drugi dana i to po tri cisterne dnevno za MZ Trepče, dvije za MZ Dobro polje-Mekiš, povremeno po jedna za Hrvatiniće a za MZ Medakovo sedmično tri cisterne, osnovne škole, OŠ „Rešad Kadić“ podružnica Oraš-planje i OŠ „9. septembar“ Medakovo, podružnica Trepče su snabdijevane prema njihovim potrebama odnosno zahtjevima.

Tabela: 7

Red. Br.	Lokacija	Cisterni vode	Količina vode	Potrošnja goriva	Troškovi vanrednih sati	Troškovi popravke vozila
1.	MZ Trepče	189	945 m ³			
2.	MZ Dobro polje-Mekiš	110	550 m ³			
3.	MZ Tešanj (Hrvatinići)	8	40 m ³			
4.	MZ Medakovo	6	30 m ³			
5.	OŠ „Rešad Kadić“ podružnica Oraš-planje	11	55 m ³			
6.	OŠ „9. septembar“ Medakovo podružnica Trepče	7	35 m ³			
7.	UKUPNO:	331	1655 m³	1569 lit.	772 sata	1980,00 KM
			4965,00 KM	3.687,15 KM	3860,00 KM	1980,00 KM
			UKUPNO: 14.492,15 KM			

8. ŠUMSKA PODRUČJA

Šume na području općine Tešanj zahvataju površinu od 4.649,98 hektara (katastar Kantonalne uprave za šumarstvo), što predstavlja oko 30% od ukupne površine. Ovo šumsko zemljište ne predstavlja jedan cjelovit kompleks. Veće šumske površine su u kombinaciji bukve, jele i smrče, nalaze se u predjelu Crnog vrha, Raduše, Planja, Mrkotića, Mekiša, Jablanice, Trepča i Šija.

Ove površine odlikuju se zadovoljavajućom strukturom drvene mase, ali sa nepovoljnom zalihom (214 m³/ha)¹, iz čega proizilazi potreba za maksimalnim očuvanjem ovog prirodnog resursa.

Ostale šumske površine su neravnomjerno raspoređene po općini Tešanj. Visina stabala naših šuma je prosječna. Svim šumama je obezbjeđen drumski pristup a eksploatacija šuma se vrši planski.

Površina šumskog fonda prema kategoriji i vlasništvu

Tabela: 8

	DRŽAVNE ŠUME	PRIVATNE ŠUME	UKUPNO
KATEGORIJA ŠUMA	površina (ha)	površina (ha)	površina (ha)
Visoke šume	1.148,49	147,64	1.296,13
Izdanačke šume	774,51	1.855,22	2.629,73
Šumske kulture	373,70	-	373,70
Neproduktivne površine	54,20	1,74	55,94
Goleti	40,80	253,68	294,48
UKUPNO (ha)	2.391,70	2.258,28	4.649,98

Gazdovanje šumama na području općine Tešanj koje su u državnom vlasništvu pripalo je Šumsko-privrednom društvu Zeničko-Dobojskog kantona d.o.o. Zavidovići, Poslovna jedinica Tešanj.

Privatnim šumama gazduje Kantonalna uprava u Zenici, odnosno Odjel uprave u Tešnju.

Na području općine Tešanj nad šumama gazdinstvo ima JP ŠPD Zavidovići.

9. PUTNA KOMUNIKACIJA

Gustina saobraćaja bez obzira na dobru mrežu asfaltnih puteva na području općine u znatnoj mjeri prevazilazi propusnu moć puteva. Posebno je opterećen put M-17 kroz naseljeno mjesto Šije, M-4 od Kraševa do Vrela, dionica regionalnog puta Tešanj-Jelah, kao i dionica puta Tešanj-Tešanjka.

Poseban problem u odvijanju saobraćaja, a time i ugroženost od saobraćajnih nesreća predstavljaju putne komunikacije kroz uže gradsko područje i uže područje u Jelahu.

Na magistralnim putevima M-4 Doboj-Banja Luka i M-17 Šamac-Sarajevo saobraćaju teška teretna vozila koja prevoze različite opasne, lako zapaljive i otrovne materije, koje prilikom saobraćajnog udesa mogu da izazovu veliku nesreću ili akcident za čije sprječavanje ova jedinica ne posjeduje opremu.

I pored svih preduzetih aktivnosti proteklih godina zabilježen je značajan broj saobraćajnih nezgoda/ nesreća u kojima su učestvovali vatrogasci koje su prikazane u tabeli 3. i 4. za proteklih pet godina.

Cjelokupna teritorija općine Tešanj protkana je putnom mrežom tako da je i najudaljeniji zaseok povezan sa sjedištem općine i međusobno. Širina saobraćajnica nije ista na svim područjima i kreće se od 3 m do 7 m. Prohodnost puteva je smanjena poslije rata obzirom na drastično povećanje broja motornih vozila, prvenstveno putničkih vozila na putevima.

Uz sve to, karakteristika gradskih ulica (stara čaršija) je da su uske i bez slobodnih prostora i parkirališta.

Putna mreža općine Tešanj izgleda na sljedeći način:

Red. Br.	Rang i naziv saobraćajnice	Dužina na području općine	Ulaz-Izlaz	Napomena
	M-4 Doboj-Banja Luka	15,18 km	Karuše-Kalošević	
	M-17 Šamac-Sarajevo	3,4 km	Karuše-Šije	
	R-474 Prnjavor-Šeher	24,5 km	Crni vrh-Piljužići	
	UKUPNO M+R	43,5 km		
	LOKALNI PUTEVI	107,42 km		
	SVEUKUPNO	150,47 km		

10. IZVORI OPASNOSTI I UGROŽENOSTI OD POŽARA

Izvori opasnosti i ugroženosti od požara na području Općine su:

Na području općine Tešanj kao najveći izvori opasnosti su na prvom redu: benzinske i plinske stanice.

Na području općine Tešanj benzinskih stanica ima 14, na području općine Usora 4, i na području općine Doboj-jug 2, ukupno 20 benzinske stanice. Plinskih stanica na području općine ima 2, Usore 1 i Doboj-juga 1, ukupno 4, s tim da skoro svaka benzinska stanica toči i plin.

Dvije industrijske zone Bukva, i Jelah na dvije lokacije koje imaju privredne subjekte različitih profila od niske požarne ugroženosti do visoke, veliki trgovački centri; na području općine Tešanj: Jelah-„Shopping centar”, „Dukat” robna kuća, „Muki”-robna kuća, „AS” veliki trgovačko-proizvodni kompleks, Kraševa-„Konzum”,

„Jysk”, „Jami”, (i još mnogo sadržaja pored, i visoko požarno opterećeni), Doboj-jug: Matuzići, „Bingo”, „Trend-tex”.

Drvno-prerađivačka, tekstilna i kožarska preduzeća i saloni namještaja,

Tekstilna preduzeća: „Napredak”- Raduša, „Koteks”, „Alpina-Bromy-Vukovo”, „Contesa -Bukva, „Art”- Jelah, „Sedy”-Kraševo,

Zgrade zajedničkog stanovanja, stambeni blok Krndija i Simetrane, u Jelahu zgrade „Has-komerc” i sve veći broj zgrada u izgradnji,

Javne ustanove: Centar za kulturu i obrazovanje Tešanj, Dom zdravlja Izudin Mulabećirović Izo, Opća bolnica Tešanj (visoko požarno opterećena i vrlo teška za evakuaciju i gašenje), Općina Tešanj, Srednjoškolski centar Tešanj (oko 2400 učenika i nastavnog osoblja, teška za evakuaciju zbog prevelikog broja učenika).

11. PROBLEMI I POTEŠKOĆE U RADU PROFESIONALNE VATROGASNE JEDINICE

Problemi i poteškoće u radu Profesionalne vatrogasne jedinice Tešanj ogledaju se u sljedećem:

- nedovoljnom broju popunjenih radnih mjesta u odjeljenju Profesionalne vatrogasne jedinice u odnosu na gore prikazano operativno djelovanje vatrogasaca i požarno opterećenje, kao i provođenje mjera zaštite od požara na području tri općine (nedostaje 6 vatrogasaca),
- zbog nedovoljnog broja vatrogasaca, starosne dobi i zdravstvenog stanja značajno se smanjuje operativno djelovanje,
- operativni centar je pokriven radnim vremenom 07,30 do 16,00 sati, pa je preostalo vrijeme popunjeno vatrogascima, što otežava otežanu koordinaciju u akcijama gašenja požara i gubljenje vremena na pripremama za izlazak na požar, zastarjeloj vatrogasnoj tehnici i nedostatku navedenih vatrogasnih vozila, što se manifestuje na nemogućnost pravovremenog dolaska na požar
- zagušenost saobraćaja posebno u ljetnom periodu u samom centru grada i užem dijelu Jelaha.
- nepostojanja vatrogasca-preventivca koji bi na terenu kontrolisao provođenje mjera zaštite od požara čime bi podigli zaštitu od požara na viši nivo,
- određeni dijelovi područja općine nisu pokriveni hidrantskom mrežom,
- opterećenost saobraćajnica i nepoštivanje prednosti specijalnih vozila u saobraćaju,
- nedovoljno provođenje preventivnih mjera zaštite od požara u preduzećima i javnim ustanovama,
- nepravilnom postupanju građana tokom izvođenja poljoprivrednih radova, zbog čega nastaje veliki broj šumskih požara i nesankcionisanju lica koja uzrokuju nastanak istih,
- postojanje većeg broja minskih polja i rizičnih površina.

III – ZAKLJUČCI

- popuniti Profesionalnu vatrogasnu jedinicu u skladu sa Procjenom ugroženosti od požara općine Tešanj, Planom zaštite od požara općine Tešanj i u skladu sa budžetom.

Nadležan: Načelnik

Rok: Po usvajanju Procjene i Plana zaštite od požara

- u narednom periodu upošljavanjem novih mlađih vatrogasaca izvršiti preraspodjelu „starijih” vatrogasaca u zvanja „vatrogasca preventivca” i „vatrogasca dispečera” za rad u operativnom centru,

Nadležan: Načelnik i Služba civilne zaštite

Rok: po usvajanju Plana zaštite od požara

- Kontinuirano planirati nabavku vatrogasnih vozila, prema potrebi vatrogasne jedinice i u skladu sa finansijskim mogućnostima

Nadležan: Načelnik i Služba civilne zaštite

Rok: po stvaranju finansijskih uslova

- Izraditi četverogodišnji Plan rekonstrukcije, održavanja i instaliranja nove hidrantske mreže po prioritetu Profesionalne vatrogasne jedinice,

Nadležan: Služba civilne zaštite i JP RAD DD Tešanj

Rok: do kraja 2012. godine

- putem vatrogasca-preventivca kontrolisati sprovođenje mjera zaštite od požara u privatnom i javnom sektoru,

Nadležan: Služba civilne zaštite

Rok: po imenovanju uposlenika.

- uraditi podzidu pored Vatrogasnog doma, kako bi omogućili proširenje požarnog puta,

Nadležan: Načelnik i Služba za finansije i ekonomiju

Rok: do kraja 2012. godine

- poboljšati rad u operativnom centru kupovinom potrebnih softvera i IT opreme za prijem dojava o požarima
 - *Nadležan: Načelnik i Služba za finansije i ekonomiju*
- Rok: do kraja 2012. godine*

PRILOG: Informacija, policijska stanica Tešanj

OBRAĐIVAČ:
POMOĆNIK OPĆINSKOG NAČELNIKA
U SLUŽBI CIVILNE ZAŠTITE
Mensur Saletović, prof.

PREDLAGAČ:
OPĆINSKI NAČELNIK
Fuad Šišić, dipl.ing.maš.

Datum: 04.04.2012.godine
Broj: 02-44-3-105-2/12